

ԽՐԻՍԻ ՅԻՇՈՂՈՒԹԻՒՆԵՐԻՑ

I

Դ է Պ ի Վ ե՞ ր

Ես սիրում էի բարձրանալ վերեւ,
Դէպի սարալանց վաղորդեան զովին.
Այնտեղից դիտել երկինք ու արեւ,
Այնտեղից նայել ընդարձակ ծովին.

Այնտեղ իմ սիրած ընկուզենու տակ,
Թաւիչ դալարում բարմ օդ ընչելով,
Ես զմայրում էի, խոկում համարձակ,
Հոգով բնութիւնն համայն գրկելով:

Այնտեղ ե՛ւ սիրտն էր երազում ազատ,
Ե՛ւ ազատ օրինում լոյս-երկնակամար.
Խանդըս էր մաքո՞ւր, տենչըս—անարա՞ս,
Որպէս լեռների կուսական դպար:

Այնտեղ իմ միտքը—արծիւ սրբաթե՞ւ,
Իմ զգայմունքը—նման խո՞ր ծովին...
Աշխ, ո՞րքան խաղց էր բարձրանալ վերեւ,
Դէպի սարալանց վաղորդեան զովին.

II

Ա Ս Տ Հ Ի Կ

Հարաւի լազուր երկնակամարում
Գիշերն հասնելիս՝ աչքն էր գրաւում
Մի սիրուն աստղիկ... Նորան նայելիս,
Քեզ էի յիշում, այ իմ նազելիս.

Եւ դու է սրտիս երկներում գաղտիկ
Վառ ըողում էիր, որպէս այն աստղիկ.
Եւ գիշերային անդորր հովանում
Քեզ նես էր նոզիս անյագ գրոյց անում...

ԱԼ. ԾԱՏՈՒՐԵԱՆ